

O D L U K A
o kriterijima i mjerilima za utvrđivanje redoslijeda
prijema kandidata za upis u I godinu studija
na Univerzitetu u Bihaću

Član 1.

Ovom Odlukom se utvrđuju zajednički kriteriji i mjerila za bodovanje i upis kandidata u I godinu studija na Univerzitetu u Bihaću.

Član 2.

Rangiranje kandidata i prijem studenata u I godinu studija vršit će se u zavisnosti od broja bodova koje kandidat osvoji:

- I.** na Fakultetu Univerziteta u Bihaću na kojem je predviđeno polaganje prijemnog ispita na osnovu:
- općeg uspjeha
 - uspjeha iz pojedinih predmeta značajnih za odgovarajući studij
 - rezultata postignutih na prijemnom ispitu
 - rezultata ostvarenih na takmičenjima iz predmeta relevantnih za određeni studij, kao i rezultati ostvareni u vrhunskom sportu
 - posebnog priznanja "Učenik generacije"
- II.** na Fakultetima Univerziteta u Bihaću na kojima nije predviđeno polaganje prijemnog ispita na osnovu:
- općeg uspjeha
 - uspjeha iz pojedinih predmeta značajnih za odgovarajući studij
 - rezultata ostvarenih na takmičenjima iz predmeta relevantnih za određeni studij, kao i rezultati ostvareni u vrhunskom sportu
 - posebnog priznanja "Učenik generacije"

Član 3.

Broj bodova na osnovu općeg uspjeha iznosi maksimalno 35, a utvrđuje se tako da se prosječna ocjena iz svih predmeta u svim razredima, zaokružena na jednu decimalu pomnoži sa 7.

Član 4.

Broj bodova po osnovu uspjeha iz pojedinih predmeta značajnih za odgovarajući studij iznosi maksimalno 15. Spisak predmeta značajnih za odgovarajući studij po odsjecima i način bodovanja po ovom osnovu fakulteti Univerziteta u Bihaću će istaći na svojim oglasnim pločama.

Član 5.

Vrednovanje rezultata po osnovu uspjeha postignutog na prijemnom ispitu kao i spisak predmeta značajnih za odgovarajući studij, iz kojih se polaže prijemni ispit po odsjecima i način bodovanja, po ovom osnovu Fakultet Univerziteta u Bihaću će istaći na svojoj oglasnoj ploči, pri čemu maksimalni broj bodova koje kandidat može postići po ovom osnovu iznosi 30 bodova.

Član 6.

Broj bodova po osnovu rezultata ostvarenih na takmičenjima iz predmeta relevantnih za određeni studij, kao i rezultata ostvarenih u vrhunskom sportu iznosi maksimalno 6.

- Po osnovu ovih kriterija kandidat dobija slijedeći broj bodova: za osvojeno jedno od prvih tri mjesta na međunarodnim, državnim i kantonalnim takmičenjima u poznavanju naučnih (stručnih) disciplina od značaja za studij, 3 boda
- Za izuzetne rezultate ostvarene u vrhunskom sportu 3 boda.

Spisak predmeta, odnosno naučnih (stručnih) disciplina koje se boduju po ovom osnovu Fakulteti Univerziteta u Bihaću će istaći na svojim oglasnim pločama

Član 7.

Kandidat koji je nosilac posebnog priznanja "Učenik generacije" po ovom osnovu dobija 10 bodova.

Član 8.

Minimum bodova koje kandidat mora ostvariti na prijemnom ispitu odredit će Fakultet Univerziteta u Bihaću.

Član 9.

Postupak provođenja ove Odluke vrši komisija koju imenuje Fakultet Univerziteta u Bihaću.

Na Fakultetu Univerziteta u Bihaću, na kojem se polaže prijemni ispit, komisija je dužna obezbijediti tajnost ispitnog materijala i druge relevantne dokumentacije.

Nakon zbrajanja bodova, za svakog kandidata pojedinačno, po svim osnovama iz ove Odluke, komisija sačinjava rang-listu svih kandidata i spisak primljenih kandidata i oglašava je na oglasnoj ploči nakon što je usvoji Nastavno-naučno vijeće fakulteta Univerziteta u Bihaću, a u roku utvrđenom u Konkursu/Natječaju.

Na objavljenu rang-listu kandidati mogu uložiti pismeni prigovor Nastavno-naučnom vijeću fakulteta Univerziteta u Bihaću u roku od 2 dana po objavljivanju liste.

Nastavno-naučno vijeće fakulteta/VŠ-e Univerziteta u Bihaću je dužno da u roku od 2 dana odluči o prigovoru i o tome obavijesti kandidata.

Odluka Nastavno-naučnog vijeća je konačna.

Član 10.

Fakulteti Univerziteta u Bihaću koji u prvom konkursnom/natječajnom roku ne prime planirani broj kandidata provešće drugi konkursni rok početkom septembra tekuće godine.

Član 11.

Kandidati koji u skladu sa ovim Konkursom/Natječajem budu primljeni na Fakultet Univerziteta u Bihaću, za upis u I godinu studija, pored predatih dokumenata podnose:

- upisni, semestarski list i ŠV obrazac
- upisnicu (INDEX)
- ljekarsko uvjerenje
- dokaz o regulisanju obaveza troškova studiranja, čija je visina na prošlogodišnjem nivou u skladu sa Odlukama Upravnog odbora Univerziteta u Bihaću o visini troškova školarine i drugih usluga za studente I (prvog) ciklusa studija, broj:01-5748/2011 od 05.12.2011. godine i broj:01-1004/2913 od 19.02.2013. godine (saglasnost Ministarstva obrazovanja, nauke, kulture i sporta, br:10-2-1157-2/2012 od 09.03.2012. i br:10-02-1157-4/12 od 07.03.2013. godine) i Rješenja Ministarstva obrazovanja, nauke, kulture i sporta, broj:10-38-8948-3/16 od 24.10.2016. godine za II ciklus studija, kao i Rješenja Ministarstva za obrazovanje, nauku, kulturu i sport, broj:10-14-11542-2/16 od 24.10.2016. godine za III ciklus studija.
- Pod jednakim uvjetima iz Kriterija, prednost imaju:
 - djeca boraca-branitelja BiH,
 - djeca ratnih vojnih invalida, djeca šehida i poginulih i nestalih boraca – branitelja i umrlih ratnih vojnih invalida,
 - djeca organizatora otpora,
 - djeca veterana – prvoboraca,
 - djeca ratnih vojnih zarobljenika i
 - djeca nosilaca najviših ratnih priznanja(Sve u skladu sa važećim zakonskim propisima kojima se reguliše ova oblast).

*/Izvod iz odluke objavit na:

1. WEB stranici Univerziteta u Bihaću
2. WEB stranici Fakulteta Univerziteta u Bihaću